



Privredna banka Sarajevo u Mostaru

Privredna banka Sarajevo bogatija je za još jednu poslovnicu u Mostaru, koju je u prisustvu klijenata, predstavnika institucija i lokalne zajednice svečano otvorio gradonačelnik Mostara Ljubo Bešlić.

“Svakodnevnim unapređenjem usluga nastojimo zadovoljiti potrebe naših klijenata, te pratiti trendove u bankarskom sektoru. Ovo je ujedno i pokazatelj uspješnog širenja naše poslovne mreže”, poručila je Azemina Golo, v.d. direktora *PBS*, dodavši da su stanovnicima Mostara sada na usluzi dvije poslovnice u gradu.

Privredna banka Sarajevo posjeduje raznovrsnu paletu specijaliziranih usluga za pravna i fizička lica.

“Raduje nas što će u prostorijama novootvorene poslovnice građanima biti omogućena brža i kvalitetnija usluga. Mi ćemo nastaviti sa kreiranjem proizvoda i usluga koji su od značaja za brojne klijente koji su nam poklonili svoje povjerenje”, istaknuo je Nusret Caušević, predsjednik *Nadzornog odbora Privredne banke Sarajevo*.

Otvaranju filijale prethodila je društveno-odgovorna aktivnost kojom je Azemina Golo u ime *Banke* ukazala na plemenitost, uručivši novčanu donaciju *Centru za djecu i omladinu sa posebnim potrebama Los Rosales* u Mostaru. **B**

Dijalog o gotovinskim davanjima u BiH

Ured Svjetske banke u BiH, u partnerstvu sa *Inicijativom za bolju i humaniju inkluziju (IBHI)*, održali su okrugli sto na temu gotovinskih davanja u BiH. Događaj je okupio brojne vladine dužnosnike, predstavnike javnih institucija, akademske zajednice i civilnog društva sa ciljem pokretanja dijaloga o politici socijalne zaštite u BiH i davanja doprinosa novoizabranim vlastima u vezi sa ključnim pitanjima koja se trebaju rješavati u naredne četiri godine i davanja doprinosa za novu *Strategiju partnerstva Svjetske banke* sa BiH za period 2012-2015. godina.

“Dvije teme se nameću kao ključne u BiH, dok se privreda oporavlja pružiti odgovarajuću pomoć najugroženijim kategorijama stanovništva i konkurentnost bh. privrede. A, ove dvije teme su povezane, jer bi sistem gotovinskih davanja trebao zaštititi najugroženije, bez da ugrožava konkurentnost tržišta rada”, istaknuo je Marco Mantovanelli, šef *Ureda Svjetske Banke* u BiH. **B**



Nameću se dvije teme, kaže Mantovanelli